

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
Odjeljenje za edukaciju
S a r a j e v o

Broj: 02/1-2-9/18

Datum: 29.01.2018. godine

Na osnovu člana 23. stav (3) tačke 1) i člana 73. stav (1) Zakona o unutrašnjim poslovima Kantona Sarajevo ("Službene novine Kantona Sarajevo", broj 01/16), člana 57. Zakona o policijskim službenicima Kantona Sarajevo ("Službene novine Kantona Sarajevo", broj 25/06 i 04/08), člana 7. stav (2) i člana 9. Pravilnika o stručnom usavršavanju policijskih službenika Uprave policije Ministarstva unutrašnjih poslova Kantona Sarajevo (u daljem tekstu: MUP KS), broj 01-243/07 od 06.04.2007.godine, policijski komesar Uprave policije MUP-a KS,

d o n o s i:

PLAN I PROGRAM
STRUČNOG USAVRŠAVANJA POLICIJSKIH SLUŽBENIKA
UPRAVE POLICIJE MUP-a KANTONA SARAJEVO ZA 2018.GODINU

Odjeljenje za edukaciju Uprave policije MUP-a KS, u 2018. godini, radi daljnjeg stručnog i fizičkog osposobljavanja i usavršavanja policijskih službenika, planira provesti aktivnosti koje bi obuhvatale teme iz teoretske i praktične obuke, što bi rad policijskih službenika podiglo na viši i profesionalniji nivo.

Rad policijskih službenika treba da bude na visokom nivou i da edukacijama unapređuju svoja znanja i vještine iz različitih oblasti svoga rada, kako bi građanima u svojoj zajednici pružili odgovarajuću zaštitu, sigurnost i pomoć. Obuka policijskih službenika zasniva se na usavršavanju ranije stečenih znanja, kao i na procesu sticanja novih znanja, sposobnosti i vještina.

CILJEVI IZVOĐENJA OBUKE

Stručno usavršavanje policijskih službenika ima za cilj povećanje efikasnosti i djelotvornosti rada, stvaranja mogućnosti za građenje što uspješnijeg rada policijskih službenika unutar Uprave policije MUP-a KS, osiguranje podudarnosti stručnog usavršavanja s obavezom provođenja zakona, te ispunjavanja postavljenih ciljeva u Upravi policije MUP-a KS.

U tom kontekstu pored permanentne, terenske i napredne obuke biti će organizirani i drugi vidovi obuke, kako u okviru Uprave policije MUP-a KS, tako i izvan, u saradnji sa drugim organizacijama i institucijama, kao što su Policijska akademija F MUP-a, tužilaštva, sudovi, druge agencije za provođenje zakona, visokoobrazovne institucije, nevladine organizacije, kao i u suradnji sa određenim vladinim i međunarodnim organizacijama u našoj zemlji i inostranstvu.

Rezultati stručnog usavršavanja policijskih službenika trebaju garantirati da su utrošeno vrijeme i uloženi naponi imali uticaja na otklanjanje uočenih nedostataka, što će biti mjerljivo prvenstveno smanjivanjem broja pritužbi, povećanjem zadovoljstva građana, boljim odnosima unutar policijske organizacije i na kraju, najbitnije, povećanjem osjećaja sigurnosti građana u svakodnevnom životu i povjerenja u policiju Uprave policije MUP-a KS.

Policijska obuka treba biti zasnovana na principima zakonitosti, stručnosti i aktuelnosti, i biti tako koncipirana da služi najprije potrebama policijskih službenika koji postupaju u konkretnim situacijama. Znanja, sposobnosti i vještine unaprijeđene ili stečene tokom obuke trebaju osigurati da svaki policijski službenik može samostalno, blagovremeno, ispravno i precizno prepoznati, postupiti i riješiti konkretni problem/događaj sa kojim se susreće u radu. Upravo je to intencija ovog plana da zadovolji sve navedene kriterije i očekivanja koja policijski službenici imaju sa jedne, te građani kao primarni korisnici usluga policije, sa druge strane.

U skladu sa zakonskim odredbama, postoji obaveza policijskih službenika da se stalno samostalno stručno osposobljavaju i usavršavaju, a u okviru Uprave policije MUP-a KS, za 2018.godinu, iskazuje se potreba za različitim vidovima obuke i to kako slijedi:

SADRŽAJ OBUKE SA OBLICIMA STRUČNOG USAVRŠAVANJA

(P e r m a n e n t n a o b u k a)

Permanentna obuka je oblik kontinuiranog stručnog usavršavanja policijskih službenika u činu **policajac, stariji policajac, narednik, stariji narednik i mlađi inspektor** sa ciljem upotpunjavanja stručnog znanja i osposobljavanja radi što kvalitetnijeg i samostalnijeg obavljanja redovnih službenih poslova i zadataka.

Stručno usavršavanje policijskih službenika zasniva se na ponavljanju i usavršavanju ranije stečenih znanja, sposobnosti i vještina, kao i na procesu usvajanja novih znanja, sposobnosti i vještina (učenjem, obukom, treningom, vježbama i drugim oblicima edukacije).

Stručno usavršavanje policijskih službenika Uprave policije MUP-a KS, putem permanentne obuke, planira se kroz radni proces, kao nastava u trajanju od **5 (pet) dana**, izvodila bi se u ciklusima (februar-juni i septembar-novembar 2018.godine), prema rasporedima obuke, u prostorijama Jedinice za specijalističku podršku i kao zamjenska sala, ukoliko ova bude zauzeta, u prostorijama Jedinice za saobraćaj ili Četvrtke policijske uprave i obuka bi trajala **3 (tri) dana**, dok bi se obuka iz odbrambenih taktika i fizičke spremnosti izvodila u prostorijama Jedinice za specijalističku podršku, u sportskim salama, i ista bi trajala **1 (jedan dan)**, nakon čega bi se **1 (jedan dan)** vršilo testiranje (test teorijskog znanja, test fizičke spremnosti i test odbrambenih tehnika).

Policijski službenici koji svoje poslove i zadatke obavljaju u uniformi dužni su prisustvovati teoretskoj obuci u uniformi, a obuci iz odbrambenih taktika i provjera fizičke spremnosti, u sportskoj opremi.

Na početku obuke, **pismenim-ulaznim testom**, provjeriti će se trenutno znanje policijskih službenika, a nakon toga obuka bi se održavala po savremenim metodama iz pojedinih oblasti (npr. iz pravne oblasti upoznavanje sa izmjenama i dopunama zakona, izmjenama i dopunama policijskih propisa, zatim novinama i metodama kriminalistike, rukovanje vatrenim oružjem, provjera fizičke spremnosti i savladavanja odbrambenih taktika i dr.), te će se na kraju obuke izvršiti ponovno testiranje-**završni test i anonimno anketiranje svih polaznika** (policijskih službenika sa činom policajac, stariji policajac, narednik, stariji narednik i mlađi inspektor), a sve u vezi sa organizacijom, profesionalizmom i stručnošću izvođenja obuke, na osnovu čega **Odjeljenje za edukaciju ima obavezu sačinjavati odgovarajuće planove za ocjenu i testiranje polaznika, planove za ocjenu instruktora, kao i odgovarajuće analize, sa prijedlozima za unapređenje obuke i o tome blagovremeno obavještavati policijskog komesara.**

Metode izvođenja stručnog usavršavanja obuhvataju prezentacije, uključujući predavanja, predavanja s diskusijama i praktično izvođenje, a nastavna sredstva potrebna za obuku su prostor za obuku, odnosno sala, poligon, ozvučenje, laptop, projektor, grafoskop, tabla, te druga raspoloživa sredstva za obuku.

Predavači tema permanentne obuke će biti policijski službenici Uprave policije MUP-a KS koji su raspoređeni na poslove i zadatke sa činom **samostalni inspektor i viši inspektor**, a po potrebi bi se angažovali i predavači koji nisu zaposleni u Ministarstvu, a stručni su za određene teme. Isto tako, po ukazanoj potrebi, dozvoljeno je angažovati i policijske službenike sa nižim činom, ali sa dokazanim znanjem i iskustvom, što neće biti pravilo, već izuzetak.

Predavači su dužni da se kvalitetno pripreme za održavanje nastavnog sata, i u tom smislu, obavezni su sačiniti pismenu pripremu časa koja treba da sadrži Plan održavanja nastavnog sata (datum održavanja, mjesto i vrijeme održavanja, nastavne metode i nastavna sredstva, literaturu koja se koristi, pitanja za test sa odgovorima iz predmeta koje predaju i dr.) i jedan primjerak te pismene pripreme da dostave Odjeljenju za edukaciju. Nadalje, predavači su dužni voditi računa o prisutnosti polaznika na obuci evidentirajući u Dnevnik nastave polaznika obuke koji nisu prisutni, te upisati nastavne teme koje predaju.

Shodno članu 7. stav (2) Pravilnika o obrazovanju i usavršavanju zaposlenih u Ministarstvu unutrašnjih poslova Kantona Sarajevo, broj 01-330/08 od 28.03.2008.godine, zaposleni čije edukativne i obrazovne kvalifikacije pretpostavljaju učešće u svojstvu predavača u internim oblicima edukacije dužni su se odazvati na poziv Odjeljenja za edukaciju, te uložiti sve potrebne napore u cilju kvalitetnog stručnog osposobljavanja i usavršavanja zaposlenih. **Policijski komesar može, u toku obuke, ukoliko se za to ukaže potreba, promijeniti predavače i njenike predavača.**

Organizacione jedinice su dužne da vode evidenciju o aktivnostima provođenja permanentne obuke i upućenih policijskih službenika na istu i da blagovremeno podatke nominovnih policijskih službenika dostavljaju Odjeljenju za edukaciju **7 (sedam)** dana prije upućivanja polaznika na obuku, te da blagovremeno upućuju na ponovno testiranje policijske službenike koji na prvobitnom testiranju nisu zadovoljili test, **15 (petnaest dana)**, nakon prvobitnog testiranja.

O tačnom datumu upućivanja i imenima policijskih službenika iz organizacionih jedinica, iste su dužne blagovremeno obavijestiti Odjeljenje za edukaciju.

Ocjena provjere znanja i stručne osposobljenosti uticat će na ukupnu godišnju ocjenu rada policijskog službenika, a kako to bliže određuje Pravilnik o ocjenjivanju MUP-a KS.

Ocjene na testiranju su:

- **Ne zadovoljava** - od 0 do 60 % tačnih odgovora ili od 0-15 bodova-poena
 - **Zadovoljava** - od 61 % do 70% tačnih odgovora ili od 16-17 bodova-poena
 - **Dobar** - od 71 % do 80 % tačnih odgovora ili od 18-20 bodova-poena
 - **Vrlo dobar** - od 81 % do 90% tačnih odgovora ili od 21-22 bodova-poena
 - **Odličan** - od 91 % do 100% tačnih odgovora ili od 23-25 bodova-poena
- **Maksimalan broj bodova – poena na testu je 25 (dvadeset pet).**

Nadzor nad obukom, provjere znanja, pismeni test i sprovođenje navedenih anketa o obuci, vršiti će inspektori iz Odjeljenja za edukaciju, a testiranje policijskih službenika iz oblasti odbrambenih taktika i fizičke spremnosti vršili bi policijski službenici Jedinice za specijalističku podršku i Jedinice za podršku, Sektora za policijsku podršku i namještenik iz Odjeljenja za edukaciju.

Također, za srednji i viši nivo rukovodilaca Uprave policije MUP-a KS, a u cilju usavršavanja stečenih znanja i usvajanja novih znanja iz različitih oblasti poslova koje obavljaju, te što boljeg prenošenja znanja na nivo policijskih službenika, organizovaće se obuka koja će se provoditi kroz specijalističke eksterne obuke, seminare, okrugle stolove i predavanja, i druge projekte u objektima Uprave policije MUP-a KS koji za to ispunjavaju potrebne uslove, kao i u prostorijama drugih organa, organizacija, ustanova, zavoda itd.

SPISAK PREDAVAČA ZA NASTAVNE TEME PERMANENTNE OBUKE ZA 2018.GODINU

- Policijski službenici sa činom policajac, stariji policajac, narednik, stariji narednik i mlađi inspektor-

Redni Broj	Tematske cjeline	Predavači
01	Krivično zakonodavstvo (KZ FBiH i ZKP FBiH), sa izmjenama i dopunama	1.Hajdarević Fatmir, samost. inspektor 2.Berović Dejan, viši inspektor
02	Propisi u oblasti javnog reda i mira, Zakon o prekršajima FBiH	1.Halilović Amir, viši inspektor 2.Lušija Faik, viši inspektor
03	ZOOBS na putevima u BIH, sa izmjenama i dopunama propisa iz oblasti bezbjednosti saobraćaja i Zakon o uređenju saobraćaja na području Kantona Sarajevo	1.Klisara Željko, viši inspektor 2.Mušija Dženeta, inspektor
04	Prava osobe lišenih slobode u policijskoj stanici i u prostorijama za zadržavanje osoba lišenih slobode, upotreba sile, postupak lišenja slobode, oduzimanje predmeta i dalji postupak sa istim, borba protiv zloupotrebe opojnih droga	1.Hodžić Edin, viši inspektor 2.Rešidović Alen, viši inspektor
05	Zakon o unutrašnjim poslovima Kantona Sarajevo, Zakon o policijskim službenicima Kantona Sarajevo	1.Pašić Almir, viši inspektor 2.Šabić Ilhan, viši inspektor
06	Zakon o zaštiti ličnih podataka i Zakon o zaštiti tajnih podataka (greške koje se najčešće događaju kod obrade ličnih podataka)	1.Ramić Čamil, viši inspektor 2.Spahić Nasir, viši inspektor
7	Regulacija saobraćaja i najčešće greške koje policijski službenici prave prilikom regulacije, mjere u vezi sa ispravnim postupanjem u cilju lične zaštite i drugih sudionika u saobraćaju, pružanje pomoći unesrećenim, specifičnosti vršenja uviđaja saobraćajnih nezgoda	1.Muratspahić Elvedin, inspektor 2.Dupovac Hasan, inspektor
08	Rukovanje oružjem, Zakon o nabavljanju, držanju i nošenju oružja i municije	1.Tufo Salih, viši inspektor 2.Čaldarević Mahir, viši inspektor
09	Zakonito prikupljanje dokaza-specifičnosti i posebne istražne radnje, internet (pravilna upotreba i korištenje, te dokumentovanje i kvalifikacija djela „cyber“ kriminala, primjeri „hakerskih“ napada i posljedice)	1.Mehić Nurija, viši inspektor 2.Osmankadžić Dino, viši inspektor

10	Najčešći uzroci žalbi građana na rad policijskih službenika (način otklanjanja problema u komunikaciji policajac-građanin), Strategija borbe protiv korupcije	1.Buljubašić Indira, samost. inspektor 2.Kurspahić Mirsad, viši inspektor
11	Maloljetničko prijestupništvo, nasilje u porodici, postupanje prema osobama bez diskriminacije (bez obzira na pol, rasu, vjeroispovjest, seksualnu orijentaciju, socijalni status i dr.)	1.Barić Dejan, samostalni inspektor 2.Šukić Mirsad, viši inspektor
12	Zakon o javnom okupljanju, Zakon o sprječavanju nasilja i nedoličnog ponašanja na sportskim terenima	1. Hodžić Mirsad, viši inspektor 2. Kadrić Omer, viši inspektor
13	Odnos s javnošću (preporuke u komunikaciji sa predstavnicima medija)	1.Kuldija Suvada, viši inspektor 2.Ališahović Alen, inspektor
14	Obuka iz odbrambenih taktika	1.Sijerčić Emir, samostalni inspektor 2.Prašović Edib, inspektor
15	Provjera fizičke spremnosti	1.Popov Savo, inspektor 2.Pobrić Bahrija, viši samost. referent

(N a p r e d n a o b u k a)

Napredna obuka je oblik naprednog stručnog usavršavanja policijskih službenika u činu **inspektor i viši inspektor** sa ciljem usvajanja najnovijih i najsavremenijih metoda i stručnih znanja, u određenim oblastima policijskog djelovanja, radi što kvalitetnijeg i samostalnijeg obavljanja redovnih i vanrednih službenih poslova i zadataka.

Stručno usavršavanje policijskih službenika Uprave policije MUP-a KS, putem napredne obuke, planira se kroz radni proces, kao nastava u trajanju od **4 (četiri) dana**, izvodila bi se u ciklusima (februar-juni i septembar-novembar 2018.godine), prema rasporedima obuke, u sali Jedinice za saobraćaj i kao zamjenska sala, ukoliko navedena bude zauzeta, sala za sastanke Četvrte policijske uprave, Uprave policije MUP-a KS, i obuka bi trajala **2 (dva) dana**, dok bi se obuka iz odbrambenih taktika i fizičke spremnosti izvodila u prostorijama Jedinice za specijalističku podršku, u sportskim salama, i ista bi trajala **1 (jedan dan)**, nakon čega bi se **1 (jedan) dan** vršilo testiranje (test teorijskog znanja, test fizičke spremnosti i test odbrambenih tehnika). Policijski službenici koji svoje poslove i zadatke obavljaju u uniformi dužni su prisustvovati teoretskoj obuci u uniformi, a obuci iz odbrambenih taktika i provjera fizičke spremnosti, u sportskoj opremi.

Na početku napredne obuke, **pismenim-ulaznim testom**, će se provjeriti trenutno znanje policijskih službenika, a nakon toga obuka bi se održavala po savremenim metodama iz pojedinih oblasti (npr. iz pravne oblasti upoznavanje sa izmjenama i dopunama zakona, izmjenama i dopunama policijskih propisa, zatim novinama i metodama kriminalistike, rukovanje vatrenim oružjem, provjera fizičke spremnosti i savladavanja odbrambenih taktika i dr.), te će se na kraju obuke izvršiti ponovno testiranje-**završni test** i **anonimno anketiranje svih polaznika** (policijskih službenika sa činom inspektor i viši inspektor), a sve u vezi sa organizacijom, profesionalizmom i stručnošću izvođenja obuke, na osnovu čega **Odjeljenje za edukaciju ima obavezu sačinjavati odgovarajuće planove za ocjenu i testiranje polaznika, planove za ocjenu instruktora, kao i odgovarajuće analize, sa prijedlozima za unapređenje obuke, i o tome blagovremeno obavještavati policijskog komesara.**

Metode izvođenja stručnog usavršavanja obuhvataju prezentacije, uključujući predavanja, predavanja s diskusijama i praktično izvođenje, a nastavna sredstva potrebna za obuku su prostor za obuku, odnosno sala, poligon, ozvučenje, laptop, projektor, grafoskop, tabla, te druga raspoloživa sredstva za obuku.

Predavači tema napredne obuke će biti policijski službenici Uprave policije MUP-a KS koji su raspoređeni na poslove i zadatke sa činom **samostalni inspektor i glavni inspektor**, a po potrebi bi se angažovali i predavači koji nisu zaposleni u Ministarstvu, a stručni su za određene teme.

Isto tako, po ukazanoj potrebi, dozvoljeno je angažovati i policijske službenike sa nižim činom, ali sa dokazanim znanjem i iskustvom, što neće biti pravilo, već izuzetak.

Policijski komesar može, u toku obuke, ukoliko se za to ukaže potreba, promijeniti predavače.

Predavači su dužni da se kvalitetno pripreme za održavanje nastavnog sata, i u tom smislu, obavezni su sačiniti pismenu pripremu časa koja treba da sadrži plan održavanja nastavnog sata (datum održavanja, mjesto i vrijeme održavanja, nastavne metode i nastavna sredstva, literaturu koja se koristi, pitanja za test sa odgovorima iz predmeta koje predaju i dr.) i jedan primjerak te pismene pripreme da dostave Odjeljenju za edukaciju. Nadalje, predavači su dužni voditi računa o prisutnosti polaznika na obuci dentirajući u Dnevnik nastave polaznika obuke koji nisu prisutni, te upisati nastavne teme koje predaju.

Organizacione jedinice su dužne da vode evidenciju o aktivnostima provođenja napredne obuke i upućenih policijskih službenika na istu i da blagovremeno podatke nominovnih policijskih službenika dostavljaju Odjeljenju za edukaciju **7 (sedam)** dana prije upućivanja polaznika na obuku, te da blagovremeno upućuju na ponovno testiranje policijske službenike koji na prvobitnom testiranju nisu zadovoljili test, **15 (petnaest dana)**, nakon prvobitnog testiranja.

O tačnom datumu upućivanja i imenima policijskih službenika iz organizacionih jedinica, iste su dužne blagovremeno obavijestiti Odjeljenje za edukaciju.

Ocjena provjere znanja i stručne osposobljenosti uticat će na ukupnu godišnju ocjenu rada policijskog službenika, a kako to bliže određuje Pravilnik o ocjenjivanju MUP-a KS.

Ocjene na testiranju su:

- **Ne zadovoljava - od 0 do 60 % tačnih odgovora ili od 0-15 bodova-poena**
- **Zadovoljava - od 61 % do 70% tačnih odgovora ili od 16-17 bodova-poena**
- **Dobar - od 71 % do 80 % tačnih odgovora ili od 18-20 bodova-poena**
- **Vrlo dobar - od 81 % do 90% tačnih odgovora ili od 21-22 bodova-poena**
- **Odličan - od 91 % do 100% tačnih odgovora ili od 23-25 bodova-poena**

- **Maksimalan broj bodova – poena na testu je 25 (dvadeset pet).**

Nadzor nad obukom, provjere znanja, pismeni test, i sprovođenje navedenih anketa o obuci, vršiti će inspektori iz Odjeljenja za edukaciju, a testiranje policijskih službenika iz oblasti odbrambenih taktika i fizičke spremnosti vršili bi policijski službenici Jedinice za specijalističku podršku i Jedinice za podršku, Sektora za policijsku podršku i namještenik iz Odjeljenja za edukaciju.

SPISAK PREDAVAČA ZA NASTAVNE TEME NAPREDNE OBUKE ZA 2018.GODINU

- Policijski službenici sa činom inspektor i viši inspektor-

Redni broj	Tematske cjeline	Predavači
01	Krivično zakonodavstvo (izmjene i dopune) KZ FBiH i ZKP F BiH (Nasilje u porodici, Zakon o zaštiti i postupanju sa djecom i maloljetnicima u krivičnom postupku F BiH, poseban osvrt na policijsko upozorenje)	1.Bašić Milorad, glavni inspektor 2.Efendić Emir, samostalni inspektor
02	Zakon o prekršajima protiv JRiM-a sa izmjenama i dopunama , Zakon o prekršajima FBiH	1. Hrvat Džafer, glavni inspektor 2. Efendić Bensad, samostalni inspektor
03	ZOOPS na putevima u BiH, sa izmjenama i dopunama propisa iz oblasti bezbjednosti saobraćaja i Zakon o uređenju saobraćaja na području Kantona Sarajevo	1.Đelilović Mirsad, samostalni inspektor 2.Bakija Vahid, samostalni inspektor
04	Upotreba sile, postupak lišenja slobode, oduzimanje predmeta i dalji postupak sa istim, borba protiv zloupotrebe droge	1. Hasanović Muhamed, samostalni insp. 2. Mulić Adil, samostalni inspektor
05	Rukovanje oružjem, Zakon o nabavljanju, držanju i nošenju oružja i municije	1.Selimović Nusret, samostalni inspektor 2.Šarić Zaim, samostalni inspektor
06	Zakon o zaštiti ličnih podataka i Zakon o zaštiti tajnih podataka, Strategija borbe protiv korupcije (uzroci koji dovode do najčešćih žalbi građana na rad policijskih službenika)	1.Selimović Himzo 2.Kekić Samir, samostalni inspektor
07	Internet (pravilna upotreba i korištenje, dokumentovanje i kvalifikacija djela "cyber" kriminala, primjeri "hakerskih" napada i posljedice	1.Ajanović Nusad, samostalni inspektor 2.Buzuk Ivica, samostalni inspektor
08	Zakon o unutrašnjim poslovima Kantona Sarajevo, Zakon o policijskim službenicima Kantona Sarajevo	1.Bešić Mustafa, samostalni inspektor 2.Gagula Safet, samostalni inspektor
09	Zakon o javnom okupljanju, Zakon o sprečavanju nasilja i nedoličnog ponašanja na sportskim terenima	1.Efendić Idriz, glavni inspektor 2.Merdanović Asim,samostalni inspektor
10	Odnosi s javnošću (preporuke u komunikaciji s predstavnicima medija)	1.Šabović Safet, samostalni inspektor 2.Nefić Irfan, samostalni inspektor
11	Obuka iz odbrambenih taktika	1.Halač Fahrudin, glavni inspektor 2.Sijerčić Emir, samostalni inspektor
12	Provjere fizičke spremnosti	1.Prašević Edib, inspektor 2.Pobrić Bahrija, viši samost. referent

(T e r e n s k a o b u k a)

Terensku obuku, tokom 2018.godine, izvoditi će policijski službenici Jedinice za specijalističku podršku i Jedinice za podršku, Sektora za policijsku podršku, a sve na osnovu svojih prijedloga i pojedinačno sačinjenih programa i planova terenske obuke, na koje će policijski komesar davati odgovarajuće saglasnosti i odobrenja za izvođenje istih, shodno izraženim potrebama i finansijskim mogućnostima Uprave policije MUP-a KS. Predmetne obuke će obuhvatati terenske vježbe, uključujući terenska putovanja, intervjuiranje, operativno iskustvo i zapažanja, a rukovodioci Jedinice za specijalističku podršku i Jedinice za podršku imaju obavezu sačinjavati odgovarajuće planove za ocjenu i testiranje polaznika, planove za ocjenu instruktora, kao i odgovarajuće analize, sa prijedlozima za unapređenje terenske obuke i o tome blagovremeno obavještavati policijskog komesara.

SPECIJALISTIČKA OBUKA

S obzirom na specifične poslove i zadatke koje obavljaju policijski službenici u određenim organizacionim jedinicama Uprave policije MUP-a KS planirano je i organiziranje specijalističke obuke tokom koje bi se obrađivale posebne teme u skladu sa zakonskom regulativom i trenutnom problematikom. Tokom obavljanja specijalističke obuke, ostvarivaće se saradnja i sa stručnim licima iz određenih oblasti drugih organa i organizacija, a s ciljem postizanja što kvalitetnije obuke policijskih službenika i shodno tome postizanja boljih rezultata u ostvarivanju svakodnevnih poslova na provođenju zakona. Tokom pripremanja i izvođenja specijalističke obuke posebna saradnja će se ostvariti sa tužilaštvima i sudovima, visokoškolskim ustanovama FKKSS u Sarajevu, Pravnim fakultetom u Sarajevu i Fakultetom političkih nauka u Sarajevu, sa kojima Uprava policije MUP-a KS ima potpisane odgovarajuće sporazume o saradnji, zatim sa organizacijama koje se bave monetarnim i fiskalnim poslovima (Agencija za bankarstvo, Finansijska policija, Porezna uprava, Carinska uprava itd.), medicinskim ustanovama i nevladinim organizacijama po određenim segmentima, te drugim organima i organizacijama, a sve prema potrebama Uprave policije ovog Ministarstva.

U tom smislu, uz ovaj Plan, **prilaže se osnovni spisak i razrada tema specijalističke obuke, prilog 7 listova**, koje će se realizovati prioritetno, a sve u ovisnosti od objektivnih mogućnosti Uprave policije MUP-a KS (mogućnost određivanja određenog broja policijskih službenika koji će prolaziti specijalističke obuke i biti van radnog procesa, finansijske mogućnosti itd.).

Tokom specijalističke obuke, u zavisnosti od tema koje se budu obrađivale, istoj će prisustvovati policijski službenici određenih organizacionih jedinica za koje je konkretno predavanje, odnosno teoretska i praktična nastava organizirana.

OBUKA KOJU PROVODE DRUGI ORGANI I ORGANIZACIJE

Shodno dosadašnjoj praksi i pozitivnim iskustvima u učešću na obuci koju organiziraju drugi organi i organizacije (npr. Policijska akademija F MUP-a i dr.) policijski službenici MUP-a KS će, prema potrebi i interesu, uzeti učešće u svim kursevima i seminarima koji budu organizirani u Bosni i Hercegovini. Odjeljenje za edukaciju, putem redovnih kontakata, sa drugim organima i organizacijama inicirati će održavanje edukacije sa određenim temama za kojima se ukaže potreba.

OBUKA KOJU PROVODE MEĐUNARODNE ORGANIZACIJE I AMBASADE DRŽAVA U BiH

Uzimajući u obzir dosadašnju praksu i pozitivna iskustva u učešću na obuci koju organiziraju međunarodne organizacije zadužene za agencije za provođenje zakona u BiH, policijski službenici MUP-a KS će uzeti aktivno učešće u kursevima i seminarima koji budu organizirani u Bosni i Hercegovini i inostranstvu, a za koje se ocjeni da su potrebni.

Isto tako, Odjeljenje za edukaciju će tokom redovnih kontakata sa međunarodnim organizacijama (USDOJ/ICITAP, IPA projekti 2012., IPA projekti 2013., IPA projekti 2017, OSCE-a, a posebno projekti koje treba realizovati za zemlje kandidate za ulazak u EU, u koje spada i naša zemlja), uzeti učešće u predloženim projektima od strane istih, u cilju što bolje realizacije i kvalitetnije obuke policijskih službenika.

OBUKE VAN FEDERACIJE BIH (EKSTERNE OBUKE)

U skladu sa članom 9. stav 5) Pravilnika o obrazovanju i usavršavanju zaposlenih u MUP-u KS, broj 01-330/08 od 28.03.2008.godine, odluku o upućivanju i učešću zaposlenih u eksternim oblicima edukacije za zaposlene u Upravi policije MUP-a KS donosi policijski komesar.

Ukoliko iz objektivnih razloga ne bude donesen Program obuke za čije je odobrenje nadležan komesar (obzirom da Uprava policije našeg Ministarstva, odnosno MUP KS ne može unaprijed uticati na organizatora obuke-međunarodne i druge ustanove, organe i organizacije, u pogledu vremena i mjesta održavanja obuke, teme koje će se obrađivati, profila policijskih službenika koji bi trebali pohađati ovu obuku i sl.) u takvim slučajevima policijskom komesaru će se dostaviti programi organizatora za svaku konkretnu obuku.

OBUKA GAĐANJA

Tokom 2018. godine provodit će se teoretska i praktična obuka iz nastave naoružanja i gađanja za policijske službenike Uprave policije MUP-a KS. Ista će se izvoditi tokom permanentne obuke i na terenu, a u **aprilu i oktobru 2018.godine** planiraju se izvršiti dva bojeva gađanja iz službenog naoružanja koje duže policijski službenici Uprave policije MUP-a KS, sukladno potrebama i objektivnim mogućnostima.

PREDAVANJA IZ OBLASTI PRUŽANJA PRVE POMOĆI

S obzirom na situacije u kojima se, prilikom izvršavanja službenih poslova i zadataka, mogu naći policijski službenici, a u cilju eventualne i adekvatne pomoći građanima, planiraju se organizovati stručna predavanja iz oblasti pružanja prve pomoći u saradnji sa Zavodom za zdravstvenu zaštitu uposlenika MUP-a KS, te drugim zdravstvenim organima i organizacijama. Ovaj vid obuke bi se provodio u prostorijama organizacionih jedinica Uprave policije MUP-a KS i eventualno u prostorijama drugih organa, organizacija, ustanova, zavoda i dr., prema postignutim sporazumima.

OBUKA KOJA ĆE SE PROVODITI U SARADNJI SA KANTONALNIM TUŽILAŠTVOM KANTONA SARAJEVO

Imajući u vidu da je praksa veoma bitan segment u osposobljavanju, naročito u dijelu koji se odnosi na zakonito prikupljanje dokaza, planira se provesti obuka za policijske službenike, a izbor tema iz Krivičnog zakona F BiH i Zakona o krivičnom postupku F BiH, biti će određen u dogovoru sa nadležnim tužilaštvom, a predavači će biti tužiocu Kantonalnog tužilaštva Kantona Sarajevo, koji budu određeni od strane Glavnog tužioca. Obuka bi se provodila kroz seminare, okrugle stolove i predavanja u objektima MUP-a KS koji za to ispunjavaju potrebne uslove, te eventualno u prostorijama Kantonalnog tužilaštva Kantona Sarajevo.

OBUKA KOJA ĆE SE PROVODITI U SARADNJI SA OPĆINSKIM/KANTONALNIM SUDOM U SARAJEVU

Radi pravilnog poimanja radova sudova i uloge policijskih službenika u procesu dokazivanja, u dogovoru sa Općinskim, odnosno Kantonalnim sudom u Sarajevu, omogućiti će se policijskim službenicima Sektora kriminalističke policije, zatim Odjeljenja kriminalističke policije iz Policijskih uprava i Odsjeka za saobraćajne istrage prisustvovanje glavnim pretresima koji se budu održavali na Općinskom, odnosno Kantonalnom sudu u Sarajevu.


Osım navedenog, planira se provesti obuka za ostale policijske službenike, a predavači bi bile sudije Općinskog i Kantonalnog suda u Sarajevu, a izbor tema iz Krivičnog zakona F BiH, Zakona o krivičnom postupku F BiH i Zakona o prekršajima F BiH će biti određen u dogovoru sa nadležnim sudom. Obuka bi se provodila kroz seminare, okrugle stolove i predavanja u objektima MUP-a KS koji za to ispunjavaju potrebne uslove, u prostorijama VSTV-a, te eventualno u prostorijama Općinskog i Kantonalnog suda Sarajevo. U navedenom planskom periodu nastaviće se dobra saradnja sa VSTV-om, s ciljem organiziranja i unapređenja obuke za policijske službenike.

OBUKA U UČENJU STRANIH JEZIKA

Obzirom na trenuno stanje u poznavanju i korištenju stranih jezika od strane policijskih službenika Uprave policije MUP-a KS, te izražene potrebe za osposobljavanjem u ovoj oblasti, planira se u saradnji sa međunarodnim organizacijama, nevladinim organizacijama i obrazovnim ustanovama, organizovanje kurseva stranih jezika za policijske službenike, različitih nivoa, od početnog do poslovnog kursa. Ovaj vid obuke bi se provodio u prostorijama MUP-a KS i eventualno u prostorijama drugih organa, organizacija, ustanova, zavoda i dr., a sve prema postignutim sporazumima. U ovom kontekstu neophodno je napraviti anketu u organizacionim jedinicama, radi sagledavanja potreba i iskazivanja realnog broja polaznika koji bi prolazili obuku u učenju stranih jezika.

Nadalje, s ciljem što bolje pripreme za pristupanje BiH Evropskoj uniji, Odjeljenje za edukaciju će zajedno sa drugim organizacionim jedinicama poduzeti potrebne radnje radi uspostavljanja kontakata i saradnje sa drugim policijskim agencijama, posebno iz zemalja članica EU. Ova saradnja bi bila usmjerena na kvalitetnu obuku, kao i korištenje predpristupnih fondova EU za edukaciju, stručno osposobljavanje i opremanje Uprave policije MUP-a KS.

POLICIJSKI KOMESAR
Generalni inspektor policije
Mevludin Halilović



Naziv obuke	Cilj obuke	Ciljna grupa	Sadržaj obuke	Trajanje obuke	Način realizacije	Ishodi obuke
Savremene strateške orijentacije u funkcionisanju policije	U strateškom smislu reakcija policije na događaje ili situacije može biti reaktivnog tipa i zasnivati se na modelu rješavanje-čekanje narednog poziv-nova reakcija, što se često naziva reaktivni strateški pristup, ili na proaktivnim strategijama koje imaju dugoročne ciljeve, nude alternativne pristupe i svakako su usmjerene (fokusirane) na racionalnije korištenje resursa, brži i adekvatniji odgovor policije i unaprijeđenje odnosa sa okruženjem tj. jačanje efikasnosti i legitimiteta policije u društvu. Cilj obuke je upoznati polaznike sa razlikama između reaktivnog i proaktivnih modela upravljanja (naročito modelima rada policije u zajednici, problemski orijentiranog modela, kriminalističko-obavještajnog modela, strategije nulte tolerancije i mogućnostima primjene istih u praktičnom radu.	Viši i srednji rukovodni kadar	<ul style="list-style-type: none"> - reaktivni model postupanja policije - proaktivne orijentacije u osnovnim postavkama - problemski orijentirani model rada policije - rad policije u zajednici - kriminalističko-obavještajni model - strategija nulte tolerancije - meta-analički prikaz funkcionisanja proaktivnih modela u praksi 	4+1 radnih dana	PowerPoint prezentacija interaktivna predavanja Vježbe i samostalni rad	<p>Poboljšana postojeća i stečena nova znanja o savremenim pristupima u funkcionisanju policije.</p> <p>Stvorene pretpostavke za samostalno odlučivanje i dizajniranje pojedinih modela rada u Upravi policije MUP KS, i upravljanje procesima.</p> <p>Unaprijeđeni rezultati rada Uprave policije u svim relevantnim parametrima (statistički pokazatelji, subjektivni osjećaji sigurnosti, unaprijeđena kvaliteta odnosa sa okruženjem, ciljano djelovanje na prioritetna područja kriminaliteta i dr.).</p>

<p>Policijski legitimitet i mehanizmi nadzora i kontrole nad radom policije</p>	<p>Uspješno funkcionisanje policije u demokratskom poretku u velikoj mjeri zavisi od stepena legitimiteta koji policija ima, a koji se postiže i adekvatnom kontrolom i nadzorom nad radom policije. U savremenim okolnostima postoje brojni i različiti mehanizmi interne i vanjske kontrole rada policije (parlamentarna, građanska, kontrola javnosti i dr.) koje policiju stavljaju u vrlo specifičan položaj i zahtijevaju adekvatan odgovor i postavljanje spram pitanja odgovornosti, efikasnosti i legitimiteta u cjelini. Cilj obuke je da se polaznicima predstave koncepti policijskog legitimiteta, razvoj i pojava različitih mehanizama nadzora i kontrole, te koncepti upravljanja legitimitetom u dinamičkom okruženju.</p>	<p>Viši i srednji rukovodni kadar</p>	<ul style="list-style-type: none"> - policijski legitimitet i značaj za ispravno funkcionisanje policije u demokratskom okruženju - kontrola i nadzor nad radom policije-ključne postavke - unutrašnja kontrola - parlamentarna kontrola i nadzor - kontrola i nadzor javnosti - legitimitet u dinamičnom okruženju 	<p>4+1 radnih dana</p>	<p>PowerPoint prezentacija Interaktivna predavanja Vježbe i samostalni rad</p>	<p>Poboljšana postojeća i stečena nova znanja o konceptu policijskog legitimiteta. Unaprijeđena znanja o mehanizmima kontrole i rada policije i postizanju legitimiteta. Razvijene sposobnosti postupanja u situacijama ugrožavanja legitimiteta. Razvijene sposobnosti upravljanja kritičnim događajima i rizicima od gubitka legitimiteta.</p>
---	---	---------------------------------------	---	------------------------	--	--

<p>Policijski integritet i posljedice korupcije</p>	<p>Policijska profesija, kao i mnoge druge, nosi rizike za zloupotrebe i slična ponašanja. Jedan od načina da se ti rizici smanje jest jačanje policijskoga integriteta. Cilj obuke jest upoznavanje sa konceptom korupcije i posljedicama koje ona implicira, te stanjem sa policijskim integritetom u Kantonu Sarajevo na osnovu empirijskog istraživanja, kao i preporukama kako unaprijediti situaciju.</p>	<p>Srednji i viši rukovodni kadar</p>	<p>- Prezentacija pojma korupcije prema pravnim i izvanpravnim motrištima, te posljedica iste - Upoznavanje sa rezultatima istraživanja o policijskom integritetu provedenom sredinom 2017. godine - Rasprava o mogućim pravcima djelovanja u cilju smanjenja rizika za iskorištavanje položaja unutar policijskih redova</p>	<p>4+1 radnih dana</p>	<p>Unaprijeđeno shvaćanje pojma i posljedica korupcije i obilježja policijskog integriteta, kao i razvijena predstava o mehanizmima smanjenja rizika za nastanak i razvoj situacija koje mogu kompromitirati ugled policijske službe.</p>
<p>Strategije komuniciranja policije sa okruženjem</p>	<p>Adekvatna prezentacija rezultata rada policije prema javnosti je u direktnoj funkciji ostvarenja legitimiteta i stvaranja potrebnih uvjeta za normalan rad policije u državi. Modaliteti komuniciranja policije sa javnošću i generalno okruženjem su brojni, raznovrsni i stalno se unaprijeđuju pod uticajem tehnološkog razvoja. Razvijanje specifičnih znanja, vještina i sposobnosti komuniciranja policije sa okruženjem je osnovni cilj obuke sa namjerom da se predstave ključne</p>	<p>Srednji i viši rukovodni kadar Službenici za odnose sa javnošću</p>	<p>- policija i okruženje (ključni akteri i interesi) - koncepcije u javnom komuniciranju policije (tradicionalna, moderna i dr) - organizacija rada službe za odnose sa javnošću - krizno komuniciranje - izgradnja pozitivnog policijskog imidža i unaprijeđenje policijskog legitimiteta</p>	<p>4+1 radnih dana</p>	<p>Stečena nova i unaprijeđena postojeća znanja polaznika o potrebi blagovremenog i adekvatnog komuniciranja policije sa okruženjem. Usvojena osnovna znanja o ključnim konceptima javnog komuniciranja policije. Razvijene sposobnosti za samostalno i pravilno postupanje u odnosima sa okruženjem. Poboljšane sposobnosti kriznog komuniciranja službenika za odnose sa javnošću.</p>

<p>Kriminalistička obrada s posebnim osvrtom na rad sa kriminalist. verzijama</p>	<p>konceptije javnog komuniciranja, te ukaže na mogućnosti unaprjeđenja kapaciteta u domenu javnog komuniciranja sa ciljem poboljšanja legitimiteta i podrške javnosti u radu policije.</p>	<p>Kriminalistički istražitelji</p>	<p>- Hodogram kriminalističke obrade - Postavljanje i provjeravanje kriminalističkih verzija; Klasifikacija verzija - Planiranje kriminalističke obrade</p>	<p>4+1 radnih dana</p>	<p>- Interaktivna predavanja - Vježbe</p>	<p>- Znanje o postavljanju i provjeravanju opštih i posebnih kriminalističkih verzija. - Znanje o usmjeravanju kriminalističke obrade putem kriminalističkih verzija. - Znanje o pisanju plana kriminalističke obrade. - Znanje o faktorima koji utječu na pouzdanost prepoznavanja - Znanje o novim taktičkim pravilima/ preporukama kod sastavljanja linije za prepoznavanje osoba - Znanje o novim taktičkim pravilima/ preporukama kod sastavljanja fotografske postavke za prepoznavanje - Znanje o taktičkim pravilima dokumentiranja radnje prepoznavanja osoba.</p>
<p>Kriminalistički aspekti provođenja radnje prepoznavanja osoba</p>	<p>Usvajanje dodatnih znanja i vještina s ciljem unaprjeđenja kvalitete provođenja radnje prepoznavanja osoba</p>	<p>Kriminalistički istražitelji</p>	<p>- Izbornost kod predočavanja - Potrebne karakteristike objekata predočavanja - Pripreme predočavanja - Pouzdanost subjekata identifikacije - Taktika neposrednog predočavanja osoba - Taktika predočavanja na osnovu fotografija - Dokumentiranje radnje prepoznavanja.</p>		<p>- Interaktivna Predavanja</p>	

<p>Taktika vršenja uviđaja/ obrada lica mjesta</p>	<p>Usvajanje dodatnih znanja i vještina s ciljem unaprjeđenja kvalitete provođenja uviđaja.</p>	<p>Kriminalistički istražitelji</p>	<ul style="list-style-type: none"> - Osiguranje mjesta krivičnog događaja - Faze vršenja uviđaja - Metode pretraživanja mjesta krivičnog događaja - Dokumentiranje stanja na mjestu krivičnog događaja - Zapisnik o uviđaju. 	<p>4+1 radnih dana</p>	<p>- Interaktivna predavanja</p>	<ul style="list-style-type: none"> - Znanje o definiranju granica mjesta krivičnog događaja <ul style="list-style-type: none"> - Znanje o sistematičnosti i temeljitosti provođenja uviđaja - Znanje o otkrivanju i prikupljanju materijalnih i personalnih izvora dokaznih informacija - Znanje o sastavljanju objektivnog i potpunog zapisnika o uviđaju.
<p>Tehnike ispitivanja osumnjičenih osoba</p>	<p>Usvajanje dodatnih znanja i vještina s ciljem unaprjeđenja kvalitete provođenja radnje ispitivanja osumnjičenih osoba</p>	<p>Kriminalistički istražitelji</p>	<ul style="list-style-type: none"> - Konvencionalne tehnike ispitivanja; - Etički pristup ispitivanju; - Komponente ispitivačkog procesa i taktička pravila ispitivanja; - Otkrivanje decepcije. 	<p>4+1 radnih dana</p>	<p>- Interaktivna predavanja - Vježbe</p>	<ul style="list-style-type: none"> - Znanje o primjeni tehnika ispitivanja - Znanje o primjeni taktika ispitivanja - Znanje o pripremanju i planiranju ispitivanja - Znanje o verbalnim i neverbalnim znakovima laganja

<p>Finansijske istrage i oduzimanje imovinske koristi pribavljene krivičnim djelima</p>	<p>U ukupnoj masi krivičnih djela učinjenih na nekom području enormna količina otpada na ona koja su motivisana isključivo ili pretežno namjerom sticanja protivpravne imovinske koristi. Nasuprot konvencionalnim mišljenima kako se samo finansijskim, ekonomskim i općenito kriminalitetom "bijelih ovratnika" treba baviti putem istraživanja finansijskih aspekata, danas preovladavaju ona određenja prema kojima su finansijske istrage integralni dio većine krivičnih istraga koje mogu dati značajan doprinos utvrđivanju ukupnosti činjeničnog stanja u svakom konkretnom slučaju. Cilj obuke je da se polaznicima predstavi koncept finansijskih istraga, mogućnosti i svrha svakvog istražnog postupanja u okviru krivičnog postupka.</p>	<p>Kriminalistički istražitelji</p>	<p>- Pojam i nastanak koncepta finansijskih istraga - Vrste finansijskih istraga - Subjekti i izvor prikupljanja podataka i dokaza u finansijskim istragama - Privremeno osiguranje imovine - Modeli trajnog oduzimanja nezakonito stečene imovine - Prezentacija rezultata finansijske istrage u krivičnom postupku</p>	<p>4-1 radnih dana</p>	<p>PowerPoint prezentacija Interaktivna predavanja Vježbe i samostalni rad</p>	<p>- Usvojena znanja o značaju i potrebi integrisanja finansijskih istraga i kriminalističko postupanje - Razvijene sposobnosti samostalnog planiranja i vođenja finansijskih istraga - Pobojšana znanja o načinima prezentacije rezultata finansijskih istraga u krivičnom postupku</p>
---	--	-------------------------------------	---	------------------------	--	--

<p>Kriminalističko obavještajni rad</p>	<p>Jedna od 8-tom svijeta prihvaćenih strategija policijskog djelovanja je zasigurno najbitniji segment kriminalističkog postupanja i općenito kontrole kriminaliteta. Proaktivni pristup koji se zasniva na prikupljanju, evaluaciji, analizi i dostavljanju podataka, informacija i kriminalističko-obavještajnih "proizvoda" je tema sa kojom se trebaju upoznati polaznici. Cijl obuke je predstavljanje modela krim. obavještajnog rada, njegovih elemenata i načina funkcionisanja, prednosti i nedostataka, te načina korištenja "produkata" ovakve djelatnosti u kriminalističkom istražnom procesu.</p>	<p>Kriminalistički istražitelji</p>	<ul style="list-style-type: none"> - Kriminalističko-obavještajni rad kao odgovor na slabosti reaktivnog modela policijskog djelovanja; - Elementi i faze krim. obavještajnog procesa - Izvori i modaliteti prikupljanja podataka - Krim. obavještajni "proizvodi" - Poslovni model krim. obavještajnog rada 	<p>4-1 radnih dana</p>	<p>PowerPoint prezentacija Interaktivna predavanja Vježbe i samostalni rad</p>	<p>Usvojena znanja o ulozi i značaju kriminalističko-obavještajnog rada u kontroli kriminaliteta. Razvijene sposobnosti samostalnog djelovanja u svim fazama krim. obavještajnog procesa. Razvijene sposobnosti korištenja "produkata" krim. obavještajnog rada u kriminalističkom istražnom postupanju.</p>
---	--	-------------------------------------	---	------------------------	--	--